

1. ტექნიკური დოკუმენტაცია

1.1. შესყიდვის ობიექტის მოცულობა:

№	სამუშაოს დასახელება	განზომილების ერთეული	მოცულობა (არსებული)
1	ქალაქის ქუჩებში ორმოების შეკეთება ცხელი ა/ბეტონით	კვ.მ	30 000
2	ქალაქის ქუჩებში დაგებული რკინა-ბეტონის ფილების შეკეთება	კვ.მ	5 280
3	არსებული ჭის მოყვანა ნიშნულზე	ცალი	50

1.2. ტექნიკური პირობები:

1.2.1. ასფალტ-ბეტონის საფარით ორმოული შეკეთების დროს დაცული უნდა იყოს შემდეგი ტექნოლოგიური პირობები:

ა) ღრმა ორმოს შესაკეთებლად გამოყენებული უნდა იქნეს 5-20 ფრაქციის ღორღი, ღორღი უნდა იყოს გარეცხილი;

ბ) შესაკეთებელი ორმოს ასფალტის კიდეები დამუშავებული უნდა იყოს ფრეზით ან კომპრესორის მეშვეობით, ორმოს ძირი კარგად უნდა იყოს ამოწმენდილი და შემდგომ ცხელი ბიტუმის მასით მოსხმული. შეივსოს ორმო ასფალტის მასით და დაიტკეპნოს მექანიკური სატკეპნით;

გ) გზის ორფენოვანი ასფალტის საფარის დაზიანების შემთხვევაში აღდგენილ უნდა იქნეს ორივე ფენა ყველა ტექნოლოგიური პროცესის დაცვით;

დ) ქალაქის ქუჩებში დაგებული რკინა-ბეტონის ფილების შეკეთებისათვის (ზომით 6x2მ) უნდა მოხდეს ფილების დემონტაჟი, 5 სმ სისქის 0-3 ფრაქციის ქვიშის საფუძვლის მოწყობა, დემონტირებული ფილის მონტაჟი.

ე) მიმწოდებელმა სისტემატიურად უნდა განახორციელოს ქალაქის ქუჩებსა და ტროტუარებზე არსებული მდგომარეობის მონიტორინგი (ქუჩებისა და ტროტუარების დათვალიერება, დაზიანებული და სარემონტო მონაკვეთების აღწერა და შემდგომში მისი აღდგენა, მოწესრიგებაგასუფთავება, რემონტი და სხვა ხარვეზის გამოსასწორებელი სამუშაოები);

ვ) ასევე, ადგილმდებარეობის დაზუსტების მიზნით გამოყენებული იქნეს გლობალური ადგილმდებარეობის განმსაზღვრელი სისტემა (GPS), რომლითაც მოხდება ქუჩაზე შეკეთებული ორმოების კოორდინატების დაზუსტება, რაც შემდგომ წარმოდგენილი იქნება ყოველ გაფორმებულ მიღება-ჩაბარების აქტთან ერთად

ზ) შემსრულებელმა ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს წერილობითი მითითების მიღებიდან არაუგვიანეს 15 დღის განმავლობაში უნდა უზრუნველყოს ორმოული შეკეთების სამუშაოების ჩატარება და შეუსრულებლობის შემთხვევაში ყოველ ვადაგაცილებულ დღეზე შემსყიდველის მიერ მიმწოდებლის მიმართ გამოიყენება ხელშეკრულებით გათვალისწინებული საჯარიმო სანქციები.

1.2.2. სამუშაო ადგილის მომზადება, გარემოს დაცვა:

მიმწოდებელი პასუხისმგებელია:

- ა) შეასრულოს სამუშაოები შრომის უსაფრთხოების პირობების დაცვით.
- ბ) უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების მინიმუმამდე დაყვანა;
- გ) მინიმუმამდე დაიყვანოს სამუშაოებთან დაკავშირებული ხმაურის, ვიბრაციის და მტვრის გავლენა გარემოზე;
- დ) შესაკეთებელი ქუჩებში ყველა სახის მოსამზადებელი სამუშაოების დაწყება შეთანხმებული უნდა იყოს ქ. ბათუმის მერიის კეთილმოწყობის სამსახურთან.

1.2.3. ნორმატიული დოკუმენტები

- ა) მუშაობისას შემსრულებელი ვალდებულია იხელმძღვანელოს კანონით „საავტომობილო გზების შესახებ“ და მოქმედი სამშენებლო ნორმებისა და წესების შესაბამისად.

1.2.4. პრეტენდენტმა სამუშაოები უნდა შეასრულოს 2 (ორი) ბრიგადით, თითოეულში 7 (შვიდი) კაცის შემადგენლობით. ამასთან, ერთი ბრიგადა უნდა იყოს უშუალოდ საკუთრივ პრეტენდენტის, რისთვისაც პრეტენდენტმა უნდა წარმოადგინოს ბრიგადის წევრების შრომითი ხელშეკრულებების ასლები, რომელთა ვადა ერთი თვით უნდა აღემატებოდეს სამუშაოების შესრულების ვადას.